



Mimi Karlsen  
Inatsisartunut ilaasortaq, Inuit Ataqtigiit

**Atuarfinnik iluarsartuussineq pillugu § 37 naapertorlugu apeqquteqaammut nr. 123, 2017-imut akissut**

21-03-2017  
Sagsnr.  
Dok. nr. 4746700

Asasara Mimi.

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

Atuarfik Kilaaseeqqap aamma Kangaamiut Atuarfiata iluarsartuunnerat pillugu Inatsisartut suleriaasiat naapertorlugu apeqquteqaatinnut qujavunga. Apeqquteqaatitit kalaallisut qallunaatullu assigiinngimmata ataatsimoortillugit ataani akissuteqarfigissavakka.

- 1. Maniitsumi Atuarfik Kilaaseeraq qaqugu iluarsartuunneqarnissamut pilersaarutigineqarpa?**
- 2. Kangaamiut Atuarfiat qaqugu iluarsartuunneqassanissamut pilersaarutigineqarpa?**
- 3. Atuarfiit pineqartut pillugit Kommune qanoq suleqatigineqarpa?**
- 4. Naalakkersuisut nalilersorsinnaanerpaat kommuni peqatigalugu illoqarfinni pineqartuni nutaanik atuarfiliorneq imminut akilersinnaanerussannginnersoq?**

**Akissuteqaat:**

Naalakkersuisut 2015-imi nunami tamarmi meeqqeriviit atuarfiillu qanoq-issusiisa nalilersornerat ingerlappaat, tamatumuunakkut meeqqeriviit atuarfiillu aserfallatsaalinissaannut, nutarternissaannut sanaartornissaannullu akisussaaffiup kommuninut katersornissaanut tunngavissiiinissaq siunertaralugu. Nalilersuinerup tamatuma ilaatut aserfallatsaaliinikkut kinguaattooqqaneq immikkoortiterneqarpoq "erniinnaq aserfallatsaalisariaqartunut" aamma "erniinnaq aserfallatsaalisariaqanngitsunut". Erniinnaq aserfallatsaalisariaqartut tassaatinneqarput nukinginnartumik aserfallatsaaliinissaq/nutarternissaq, illut peqqinnartut atorsinnaanissaat qularnaarumallugu aamma aserfallatsaaliinerit (nalinginnaasumik silap pissusaanut illersuusersuinerit), ajoqusernertut maanna aqqinneqanngikkunik annertunerujussuanngorsinnaasunut tunngasut.

Qulaani pineqartup akisussaaffigerata siunissami inissinneqarnissaa pillugu suli inaarutaasumik aalajangiisoqanngilaq Politikkikkut Ataqtigiissaarisut pilersaarutip annertunerusumik misissoqqissaarnissaa kissaatigimassuk, akisussaaffiup kommuninut nuunneqarsinnaanera piviusunngortinnagu.

Naalakkersuisut aalajangiuppaat 2017-imi nuna tamakkerlugu nalilersuinermi erniinnaq suliarisariaqartut nalilernerqartut tamarmik aserfallatsaaliineri/nutarterineri aallartissasut. Suliaq tamanna Namminersorlutik Oqartussanit isumagineqassaaq konto pingaarneq 84.40.10 Kommunini atuarfiit aamma konto pingaarneq 84.10.17 Meeqqanik Inuusuttunillu paaqqinniffiit aqutugalugit aningaasalersukkanik. Kommunini tamani suliniutinut allaffissornikkut aqutsisoqatigiinnik pilersitsisoqassaaq, taakkunanilu kommunit Namminersorlutik Oqartussat peqatigalugit peqataassapput.

Atuarfik Kilaaseeqqamut tunngatillugu ilisimatitsissutigineqarsinnaavoq, erniinnaartumik aserfallatsaalinnissamik pisariaqartitsineq nalilernerqarmat 3.226.000 kr-nik. Taakku nuna tamakkerlugu suliniummut 2017-imi aallartittussamut ilaassapput.

Kangaamiut Atuarfiannut tunngatillugu ilisimatitsissutigineqarsinnaavoq, erniinnaartumik aserfallatsaalinissamik pisariaqartitsineq missingerneqarmat 9.000 kr-nut. Taamaammat taanna nuna tamakkerlugu suliniummut 2017-imi aallartittussamut killilerujussuarmik ilaassaaq.

Ingerlatsiveqarsinnaavoq 2015-imi naliliinerup kingorna erniinnaq aserfallatsaallineqarnissaminnik malunnaatilmik pisariaqartitsinerulersimasunik. Taakku Namminersorlutik Oqartussat kommunit suleqatigalugit paasiniassavaat siunissami aserfallatsaaliilluni suliniutissanut atatillugu, pisariaqassappallu erniinnaartumik suliassanut ilanngutissallugit.

Aallaavittut Namminersorlutik Oqartussat atuarfinnik nutaanik 2015-imilu Aningaasanullu Inatsit naapertorlugu aalajangiuteriigaanngitsunik pilersaaruseriigaanngitsunillu sanaartorniannngillat, aserfallatsaallinerumut, nutarterinerumut sanaartornermullu akisussaaffiup kommuninut imaluunniit tamatumunnga taarsiullugu Namminersorlutik Oqartussanut inissinneqarnissaa erseqqissumik paasineqartinnagu. Akisussaaffik ataatsimut inissinneqarpat, akisussaasut (kommunit ataasiakkaat imaluunniit Namminersorlutik Oqartussat) ingerlaavartumik nalilersussavaat, atuarfiit meeqqeriviillu nutarternissaat imaluunniit nutaanik sanaartornissaq imminut akilersinnaanerussanersoq.

Inussiarnersumik inuulluaqqusilluta

  
Doris Jakobsen